

Samþykkt fyrir Fræðslunefnd Grindavíkurbæjar.

1. gr.

Fræðslunefnd fer með fræðslumál bæjarins eftir því sem nánar er kveðið á um í lögum og í samþykkt þessari.

2. gr.

Fræðslunefnd er skipuð fimm fulltrúum og fimm til vara, kosnum af bærstjórn. Bærstjórn kýs formann og varaformann. Kjörtímabil hennar er það sama og bærstjórnar. Nefndin skal halda gerðabók og skulu fundargerðir hennar sendar bærstjórn til staðfestingar. Fundir skulu haldnir að jafnaði einu sinni í mánuði eða eins oft og þurfa þykir. Boða skal til fundar ef meirihluti nefndarmanna fer fram á slíkt. Fulltrúar í fræðslunefnd skulu gæta þagmælsku um einkamálefni fólks sem fjallað er um á fundum nefndarinnar. Fulltrúi skal víkja af fundi, og er heimilt að kalla til varamann, tengist hann einstaklingum eða málum sem fjallað er um í nefndinni, þannig að spillt geti óhlutdrægni hans og valdið tortryggni.

Skólastjórar leik- og grunnskóla, leik- og grunnskólakennarar og foreldrar leik- og grunnskólabarna kjósa hver úr sínum hópi aðal- og varamann til setu á skólanefndarfundum með málfrelsi og tillögurétt.

Auk þess hefur skólastjóri tónlistarskóla heimild til setu á skólanefndarfundum með málfrelsi og tillögurétt.

3. gr.

Hlutverk fræðslunefndar er:

-að gera tillögur til bærstjórnar um stefnu í fræðslumálum og hafa eftirlit með að stefna bæjaryfirvalda á hverjum tíma sé haldin.

-að hafa eftirlit með stofnunum, sem vinna að fræðslumálum, og fylgjast með að þær vinni að settum markmiðum, í samræmi við lög og veiti góða þjónustu.

-að leggja mat á þá þjónustu sem veitt er á vegum sveitarfélagsins í fræðslumálum með tölulegum upplýsingum og könnunum á meðal bæjarbúa. Einnig að fjalla um þær kvartanir sem berast vegna þjónustunnar.

að fara yfir tillögur forstöðumanna að fjárhagsáætlun hvers árs hvað varðar þá liði sem falla undir verksvið nefndarinnar og gæta þess í ákvörðunum sínum að halda áætlanir þegar að framkvæmdum kemur.

-að vera bærstjórn að öðru leyti til ráðuneytis í fræðslumálum.

4. gr.

Verkefni fræðslunefndar eru:

-að fara með þau verkefni sem skólanefnd eru falin samkvæmt lögum um grunnskóla.

- a. að sjá til þess að öll skólaskyld börn sem rétt eiga á skólavist í sveitarfélaginu njóti lögboðinnar fræðslu,
- b. að staðfesta starfsáætlun skóla ár hvert og skólanámskrá einstakra skóla,
- c. að fylgjast með framkvæmd náms og kennslu í sveitarfélaginu og gerð skólanámskrár og gera tillögur til skólastjóra og/eða sveitarstjórnar um umbætur í skólasterfi,
- d. að fylgjast með og stuðla að því að nemendum og skólum sé tryggður aðgangur að sérfræðiþjónustu,
- e. að sjá til þess að jafnan sé fyrir hendi viðeigandi húsnæði fyrir kennslu og annar aðbúnaður, þ.m.t. útivistar- og leiksvæði nemenda,
- f. að hafa eftirlit með að ákvæði laga og reglugerða séu uppfyllt og gera tillögur til sveitarstjórnar um úrbætur,
- g. að stuðla að tengslum og samstarfi leik, tón og grunnskóla annars vegar og grunnskóla og framhaldsskóla hins vegar.

-að fara með verkefni sem leikskólanefnd eru falin samkvæmt lögum um leikskóla.

-að fara með málefni tónlistarskóla Grindavíkur, sbr. lög um fjárhagslegan stuðning við tónlistarskóla.

-að vinna að öðrum þeim verkefnum sem bæjarstjórn felur nefndinni á hverjum tíma.

5. gr.

Félags-og skólamálafulltrúi situr fundi nefndarinnar með málfrelsi og tillögurétt. Hann er ráðgjafi nefndarinnar og sér um ritun fundargerða, nema nefndin ákveði annað. Hann undirbýr fundi í samstarfi við formann og framkvæmir ákvarðanir nefndarinnar eftir að bæjarstjórn hefur staðfest þær. Um starfsmannamál fer eftir starfsmannastefnu Grindavíkurbæjar.

6. gr.

Séu ákvæði í lögum eða samstarfssamningum um seturétt aðila utan nefndarinnar, þegar um mál þeim tengd er fjallað, skal þess gætt að þau ákvæði séu uppfyllt.

Nefndin skal gæta ákvæða stjórnarsýslulaga við meðferð mála.

Sett með heimild í 57. gr. samþykktar um stjórn Grindavíkurbæjar og fundarskög bæjarstjórnar nr. 805/2011

Samþykkt á 410. fundi bæjarstjórnar Grindavíkurbæjar þann 7. September 2011.